

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2014-yil 7-iyun, shanba № 45 (15787)

ПРЕЗИДЕНТ ИСЛОМ КАРИМОВНИНГ «ЎЗБЕКИСТОНДА ОЗИҚ-ОВҚАТ ДАСТУРИНИ АМАЛГА ОШИРИШНИНГ МУҲИМ ЗАХИРАЛАРИ» МАВЗУСИДАГИ ХАЛҚАРО КОНФЕРЕНЦИЯНИНГ ОЧИЛИШ МАРОСИМИДАГИ НУТҚИ

Хурматли конференция иштирокчилари, хонимлар ва жаноблар!

Сиз, азиз меҳмонларимизни, халқаро конференция иштирокчиларини — нуфузли халқаро ташкилотлар, хорижий давлатлар ҳукуматлари вакиллари, олимлар ва мутахассис-амалиётчилар, иқтисодиётнинг аграр секторида фаолият кўрсатаётган компаниялар, банклар ва бошқа молия институтлари раҳбарларини қутлаш ва мазкур форумда қатнашаётганингиз учун юксак ҳурмат-эҳтиром ва самимий миннатдорлик билдириш менга катта мамнуният бағишлайди.

Бирлашган Миллатлар Ташкилотининг Озиқ-овқат ва қишлоқ хўжалиги ташкилоти (ФАО) бош директори Жозе Грациану да Силва, Жаҳон соғлиқни сақлаш ташкилоти Европа минтақавий бюроси директори Жужанна Якоб, Осиё тараққиёт банки вице-президенти Вен Сай Чжанг, Европа Иттифоқининг Марказий Осиё бўйича махсус вакили Януш Херман, Ислон ҳамкорлик ташкилоти бош котибининг ўринбосари Ҳамид Опелоер, Халқаро узумчилик ва виночилик ташкилоти бош директори Жан-

Мари Оран, Жаҳон банкининг Марказий Осиёда барқарор ривожланиш масалалари бўйича бўлими раҳбари Лоран Дебр, Ислон тараққиёт банкининг Қишлоқ хўжалигини ривожлантириш департаменти директори Демба Ба, Бельгия Парламенти Сенатининг аъзоси Доминик Тильманс, Болгария қишлоқ хўжалиги ва озиқ-овқат вазири Димитар Греков ва форумдаги иштироки билан бугунги анжуманимизнинг аҳамиятини янада ошираётган бошқа қадрли меҳмонларимизга алоҳида миннатдорлик билдираман.

Конференцияда 40 та мамлакатдан ва 20 та халқаро ташкилотдан 200 нафардан зиёд меҳмон иштирок этмоқда.

Муҳтарам анжуман қатнашчилари!

Озиқ-овқат хавфсизлигини таъминлаш бўйича ўтказилган халқаро эксперт тадқиқотлари жаҳонда ва унинг айрим минтақаларида ушбу муаммо билан боғлиқ мураккаб вазият юзага келаётгани жиддий ташвиш ва хавотир уйғотаётганини кўрсатмоқда. Бугунги кунда мазкур муаммо жаҳон ҳамжамияти учун ўта долзарб ва жиддий таҳдидлар

қаторига киритилмоқда.

БМТнинг Озиқ-овқат ва қишлоқ хўжалиги ташкилоти ҳамда Жаҳон соғлиқни сақлаш ташкилоти маълумотларига кўра, ҳозирги вақтда дунёда 840 миллиондан ортиқ киши, яъни деярли ҳар саккизи одамнинг бири тўйиб овқатланмаяпти, сайёраимиз аҳолисининг 30 фоизидан зиёди тўлақонли равишда овқатланмаслик, энг асосий микроэлемент ва витаминлар етишмаслиги муаммосини бошидан кечирмоқда. Ана шундай сабаблар туфайли 160 миллиондан ортиқ бола бўйининг ўсиши, жисмоний ва интеллектуал ривожланишига доир камчиликлардан азият чекмоқда.

2008 йилда бошланган инқироз билан боғлиқ воқеалар барчамизнинг эсимизда, ўшанда жаҳон миқёсида нарх-наво кўтарилиб, озиқ-овқат таъминотида узилишлар юзага келгани Осиё, Африка ва Лотин Америкасининг кўплаб давлатларида норозилик ва оммавий тартибсизликларга сабаб бўлган, бутун дунёда барқарорликка нисбатан жиддий хавф-хатарга айланган эди.

(Давоми 2-саҳифада)

ОҚСАРОЙДА ҚАБУЛ

Ўзбекистон Республикаси Президенти Ислон Каримов 6 июнь куни Оқсаройда БМТнинг Озиқ-овқат ва қишлоқ хўжалиги ташкилоти (ФАО) бош директори Жозе Грациану да Силвани қабул қилди.

Давлатимиз раҳбари «Ўзбекистонда озиқ-овқат дастурини амалга оширишнинг муҳим захиралари» мавзусидаги халқаро конференциядаги фаол иштироки учун меҳмонга миннатдорлик билдирди. Президентимиз ФАО озиқ-овқат хавфсизлиги ва қишлоқ хўжалигини ривожлантиришга доир халқаро сиёсат ва тадбирларни ишлаб чиқиш борасида жаҳон ҳамжамиятининг муҳим институти эканини қайд этди.

Ўзбекистон БМТнинг Озиқ-овқат ва қишлоқ хўжалиги ташкилотига аъзо бўлган 2001 йилдан буён мамлакатимизда саккизта миллий ва минтақавий лойиҳа амалга оширилди. Айни пайтда мил-

лий ва минтақавий аҳамиятга молик яна бешта лойиҳа ҳаётга татбиқ этилмоқда.

Учрашувда ФАО асосий озиқ-овқат маҳсулотлари ва қишлоқ хўжалиги ресурслари бўйича халқаро ва минтақавий мувозанатни шакллантириш, ривожланаётган мамлакатларга энг илғор селекция ва ерга ишлов бериш усуллари, замонавий қишлоқ хўжалиги техникаси ва асбоб-ускуналари ишлаб чиқариш технологияларини жалб этишда, тўғри ва тўйимли овқатланишни таъминлаш масаласини халқаро даражада кўтаришда муҳим ўрин тутиши таъкидланди.

(Давоми 2-саҳифада)

БМТНИНГ ОЗИҚ-ОВҚАТ ВА ҚИШЛОҚ ХЎЖАЛИГИ ТАШКИЛОТИ БОШ ДИРЕКТОРИ ЖОЗЕ ГРАЦИАНУ ДА СИЛВА НУТҚИ

Ўзбекистон Республикаси Президенти Ислон Каримов Жаноби Олийлари!

Хонимлар ва жаноблар! Аввало, Президент Ислон Каримов Жаноби Олийларига Ўзбекистон Республикасининг озиқ-овқат дастурини муҳкама этишга бағишланган ушбу муҳим форумга таклиф этгани учун самимий миннатдорлик билдиришга рухсат бергайсиз.

Жаҳон миқёсида ишлаб чиқариш ҳажмини ошириш ва истеъмол бозорини ҳимоя қилишга қаратилган чора-тадбирларни кўзда тутиб озиқ-овқат стратегияларини қабул қилиш нақадар муҳим эканини кўрсатадиган

кўплаб мисолларни келтириш мумкин. Бундай чора-тадбирлар Бирлашган Миллатлар Ташкилотининг Мингйиллик ривожланиш мақсадларидан биринчиси бўлиб, очликка қарши курашиш, хусусан, тўйиб овқатланиш даражасини кўпайтиришга қаратилган мақсадга эришган кўплаб мамлакатлар саъй-ҳаракатларининг асосини ташкил этади.

Шу муносабат билан, ишончим комилки, Ўзбекистон тўғри йўлдан бормоқда ва ўзининг шу йўлдаги саъй-ҳаракатларини давом эттириш учун жуда мустақкам асосга эга.

2000 йилларнинг бошларидан бугунги кунгача Ўзбекис-

тон қишлоқ хўжалиги соҳасида ҳамда озиқ-овқат хавфсизлигини таъминлаш борасида улкан тараққиётга эришди. 2000 йилдан бошлаб қишлоқ хўжалиги ишлаб чиқариши ва ҳосилдорлик муттасил ошириб келинаётгани бундай хайратланарли ютуқларнинг бош омилидир.

Мамлакатда бугдой етиштириш икки баробар, картошка ва сабзавот етиштириш уч баробар кўпайди. Мева етиштириш ҳам сезиларли равишда ортиб, узум етиштириш даражаси икки баробар ўсди. Умуман, Ўзбекистонда қишлоқ хўжалиги йилига ўртача 6 фоизга ошиб бормоқда.

(Давоми 2-саҳифада)

ОЗИҚ-ОВҚАТ МУСТАҚИЛЛИГИ — ФАРОВОНЛИК, БАРҚАРОРЛИК ВА ТАРАҚҚИЁТНИНГ МУҲИМ ОМИЛИ

Пойтахтимиздаги Симпозиумлар саройида 6 июнь куни Президентимиз Ислон Каримов ташаббуси билан ташкил этилган «Ўзбекистонда озиқ-овқат дастурини амалга оширишнинг муҳим захиралари» мавзусида халқаро конференция бўлиб ўтди.

Форумда Жаҳон соғлиқни сақлаш ташкилоти, БМТнинг Озиқ-овқат ва қишлоқ хўжалиги ташкилоти, Халқаро қишлоқ хўжалигини ривожлантириш фонди, Жаҳон банки, Осиё тараққиёт банки, Ислон тараққиёт банки ва нуфузли халқаро ташкилотлар ва молия институтлари вакиллари, дипломатик миссия раҳбарлари, АҚШ, Хитой, Жанубий Корея, Япония, Буюк Британия, Франция, Германия, Австрия сингари қирқдан ортиқ мамлакатдан етакчи эксперт ва ишбилармонлар иштирок этди.

Халқаро форумнинг очилишида Ўзбекистон Республикаси Президенти Ислон Каримов нутқ сўзлади.

(Давоми 6-саҳифада)



«O'ZBEKISTONDA OZIQ-OVQAT DASTURINI AMALGA OSHIRISHNING MUHIM ZAXIRALARI»

XALQARO KONFERENSIYASI

INTERNATIONAL CONFERENCE

THE MOST IMPORTANT RESERVES OF IMPLEMENTING THE FOOD PROGRAM IN UZBEKISTAN

МЕЖДУНАРОДНАЯ КОНФЕРЕНЦИЯ

«О ВАЖНЕЙШИХ РЕЗЕРВАХ РЕАЛИЗАЦИИ ПРОДОВОЛЬСТВЕННОЙ ПРОГРАММЫ В УЗБЕКИСТАНЕ»



San'at burchagi



Мурфак тасаввурда тинчлик тинчсоли

*Биз гўзал, бахтга тўла юртининг болаларимиз,
Шодлик ва қувонч ила ёруғ бўлишимиз.*

*Шу ёруғ бўлган бориб, орзуларга еташимиз,
Чин дилдан, завққа тўлиб қўйишга айташимиз!*

Эндигина ҳаёт пиллапояларини босишга шайланаётган митти дўстларимизнинг тилидан шодон янграётган ушбу сўзлар нақадар тўлқинлантирувчи...

«Ер куррасида тинчлик» республика расмлар кўрик-танловининг якуний босқичида миз. Жажжи болажонлар юзида ҳаяжон, ота-она, устозлар кўзидаги фахр атрофга кўтаринки руҳ бағишламоқда. Мана, қилинган меҳнат маҳсулини кўрайдиган — ғолиблар такдирланадиган ўша интиқ дақиқалар етиб келди.

1 июн — Халқаро болаларни ҳимоя қилиш кунига бағишлаб, «Ҳар бир фарзандга меҳр, эътибор!» шиори остида ўтказилаётган махсус ҳафталик доирасида, Ўзбекистон

Халқ таълими вазирлиги ва Ўзбекистон Бадий академияси билан ҳамкорликда ташкил этилган мазкур тадбирда республика миздаги умумтаълим мактаблари ўқувчилари ва мактабгача таълим муассасалари тарбияланувчилари қатнашди. Икки босқичда сараланган ижод намуналарини кузатар эканмиз, уларда юрт тинчлиги, Ватан равнақи ва халқ фаровонлиги ҳақидаги болажонларнинг ранг-баранг тушунча ва тасаввурлари баён қилинганлигининг гувоҳи бўламиз. Ёш қаламкашларнинг ижод

дунёсига қадам қўйишлари учун замин яратган, учта ёш тоифаси бўйича ўтказилган танловда олти номинацияда тўққиз нафар ғолиб аниқланди.

Тадбир доирасида ёш, иқтидорли ранг-тасвир устаси, халқаро кўрик-танловлар ғолиби Камил Сагатованинг шахсий расмлар кўргазмаси ташкил этилди. Кўргазмада рассомнинг натюрморт, пейзаж, компьютер графикаси жанрларидаги асарлари тақдим этилди. Ёрқин рангларга бой ижод намуналарида она юртга, унинг меҳнатсевар халқига бўлган юк-

сак муҳаббат ўз ифодасини топган. Тадбир сўнгигида «Ором» болалар дастаси, томонидан ажойиб куй-қўшиқлардан баҳраманд бўлдик.

Болалар ижоди — бегубор, тоза кўнгил ихтиро қилган янги олам. Унда кенг фантазия маҳсули бўлган, порлоқ дунёни кўрамиз, сайр қиламиз ва роҳатланамиз. Улар ўз асарлари орқали оламга, Ватанимизга тинчлик тилашмоқда гўё.

Парвина ОМОНОВА.
Рустам Назарматов олган суратлар.

Sening tengdoshing

ОМАД ФОРМУЛАСИ

Ўзбекистон ёшлари турли танлов, халқаро мусобақалар ҳамда чемпионатларда юксак натижалар кўрсатиш баробарида Ватан байроғини баланд кўтариб, юрт шаъни, обрўси ва кучқудратини янада оширмоқдалар.

Тошкентлик Санжархон Алишерхонов саккиз ёшидан бери Ўзбекистонда хизмат кўрсатган спорт устаси Ботир Раҳматуллаев устозлигида қўл жанги, кикбоксинг, жит кун-до билан мунтазам шуғулланиб келмоқда. Санжархон 11 ёшида 1994 йилда туғилган

ўсмирлар ўртасида бўлиб ўтган спорт мусобақасининг Тошкент шаҳар босқичида фахрли ўринлардан бирини эгаллади.

Устоз ва мурабийларнинг сабоқлари ҳамда тинимсиз машқлар аста-секин ўз самарасини кўрсата бошлади. 2012 йилда ёш спортчи кикбоксинг бўйича республика миқёсида ўтказилган мусобақада бронза ва кумуш медаллар, 2013 йилда жит кун-до бўйича Ўзбекистон чемпионати олтин медалига сазовор бўлди.

— Мен каби ёшларга ҳар томонлама баркамол инсон бўлиб улғайишимиз учун барча имкониятларни яратиб берган халқимиз ва Юртбошимиздан миннатдорман. Келажакда халқаро майдонларда Ўзбекистонимиз шухратига шухрат қўшиб, жаҳон чемпионатлари шох-



супаларини эгаллашни ният қилганман, — дейди Санжархон.

Ёш спортчи устозлари белгилаб берган «омад формуласи»га амал қилади. Бу — тинимсиз ҳаракат, меҳнат, изланиш. Бу уч сўз С. Алишерхоновни муваффақиятлар сари бошлашига биз ҳам ишонамиз.

Мадина ҲАМДАМОВА



Ҳаддини билмаган панд ейди

Марказий Африка Республикаси ҳукумати мамлакат ичкарисида SMS-хабар жўнатишни тақиқлади.

Маълум бўлишича, бунга бир неча кун аввал бўлган норозилик намоишида SMSдан кенг фойдаланилгани сабаб бўлган. Мамлакат пойтахти Банги шаҳридаги намоиш SMS-хабарномалар орқали режалаштирилган. Ҳукумат вакиллари-нинг сўзларига қараганда, бу тақиқ миллатлараро ва динлараро назоратга барҳам бериб, тинчлик ва тартибнинг тикланишига ёрдам бериши мумкин. Ҳозир хабар жўнатилганда, телефонга француз тилида: «SMS-хабар жўнатиш мумкин эмас» деган билдиришнома келади. Бу тақиқ бир неча ой сақланиб турилади.

Кун бўйи велосипед билан

Францияда янги қарорга мувофиқ, ишга велосипедда бораётган ходимлар моддий жиҳатдан рағбатлантирилади.

Қарор ярим йил давомида синов муддатида бўлади. Бундай тадбирлар минтақа давлатларида фуқаролар соғлиғини яхшилаш, ёнилғи истеъмолини қисқартириш ва ҳаво ифлосланишини камайтириш мақсадида ўтказилмоқда. Францияда ўн минг кишилик штатга эга йигирмага яқин турли компаниялар ўз ходимларига велосипедда босиб ўтилган ҳар бир километр йўл учун 25 евроцент (тахминан 800 сўм) тўлашга рози бўлган. Ҳукумат сўзларига қараганда, ташаббус муваффақиятли чиқса, акция янада кенгайтирилади.

Рақобат туфайлими ёки?..

«Apple» корпорацияси янги операцион тизим — «iOS 8» даги баъзи қисмларни рақиб «Samsung»дан ўғирлаганликда гумон қилинмоқда.

Корпорация «WWDC—2014» илмий анжуманида янги операцион дастурни тақдим этиш жараёнида унинг оқ-қора тусга кирувчи интерфейсини маълум қилмаган эди. Лекин уни «iOS 8»да учратиш мумкин. Ваҳоланки, бундай функцияга «Samsung» бир неча ой аввал патент олиб бўлган.

Шу вақтга қадар одатда «Samsung» ўғирликда айбланиб, жарима тўлар эди. Эндиликда «Samsung» судга шикоят қилишини маълум қилди.

Поезд тўқнашуви

Эрон шимолида йўловчи поезди ва юк поезди тўқнашиб кетди. Натижада ўнга яқин киши ҳалок бўлди.

Йўловчи поездидоги аксарият кишилар жароҳатланди. Тўқнашув Техрондан 350 километр узоқда, Даманган шаҳри станцияси яқинида содир бўлди. Шу сабаб, кутқарувчилар бироз кечикиб етиб боришди. Полиция поездлар ҳаракатини вақтинча тўхтатди. Айни пайтда суриштирув-тергов ишлари олиб борилмоқда.

Интернет манбалари асосида Феруза ЭРГАШЕВА тайёрлади

ЁШЛАР ОРОМГОҲИДА МЕДИА-ТРЕНИНГ

Тошкент вилояти Бўстонлиқ туманидаги «Камолот» ёшлар оромгоҳида журналистлар учун медиа-тренинг бўлиб ўтмоқда. Унда республика-миз оммавий ахборот воситаларида фаолият кўрсатаётган 80 нафар ёш журналист иштирок этапти. Медиа-тренинг доирасида иштирокчилар ўзаро тажриба алмашган ҳолда касбий маҳоратларини оширишяпти.

Рустам Назарматов олган суратлар



Maydonda sinalganlar

ЭПЧИЛЛИК, ЖАСУРЛИК ВА ЗУККОЛИК СИНОВИ

Ички ишлар вазирлиги

Ёнгин хавфсизлиги олий техник мактаби стадионида «Ёш қутқарувчилар» республика танловининг финал босқичи бўлиб ўтди. Майдонда юз-кўзида жасурлик, шижоат, матонат мужассам бўлган Қорақалпоғистон Республикаси, вилоятлар ва Тошкент шаҳар босқичида ғолибликни қўлга киритган жамоалар саф тортди. Байрамона безатилган стадион атрофидаги анвойи гуллар эса ғолибларга омад тилагандек чайқалиб турибди. Ҳарбий ватанпарварликни тараннум этувчи куй-қўшиқлар мусобақага янада кўтаринкилик бағишлади.



Фавқулудда вазиятлар, Халқ таълими вазирликлари ҳамда «Камолот» ёшлар ижтимоий ҳаракати ҳамкорлигида ўтказилган танловда куйи босқичларда пишиб етилган, жисмоний тайёргарликдан ўтиб келган бўлажак халоскор-спортчилар бешта шарт бўйича ўз маҳоратларини намойиш этишди. Тўғри, ҳар бир шартнинг ўзига хос масъулияти ва тартиб-қоидаси бор. Бунинг учун фақат эпчиллик, зукколик ва хатоларга йўл қўймаслик талаб этилади. Шундай бўлса-да, республикамизнинг турли мактабларидан келган ёшлар мусобақа шартларини бекаму кўст бажаришга астойдил ҳаракат қилишди.

«Ёш қутқарувчилар» республика

танловида Тошкент шаҳри Яқкаса-рой туманидаги 172-мактаб жамоаси биринчи ўринни эгаллади. Тошкент вилояти Чирчиқ шаҳридаги 13-мактаб жамоаси иккинчи ўринга, пойтахтимиздаги 21-мехрибонлик уйи жамоаси эса учинчи ўринга сазовор бўлди.

Ғолиб жамоаларнинг ҳар бир иштирокчисига ташкилотчиларнинг диплом ва қимматбаҳо совғалари топширилди.

Беллашув якунида барча мусобақа иштирокчилари Мустақиллик майдони, Амир Темур хиёбони ҳамда «Бунёдкор» стадионига саёҳат қилишди.

Азамат СУЮНОВ,
журналист

Куёш, офтоб	→		Куш либоси	От зоти	Шинша «пиеёла», қадаҳ	Шайдо	Бордию	Рангли метал
Митти қуш, синчалак		Даладаги «уй»	Кок ўрта		«Но...» (дори)		Мукофот, соврин	Ара, леара
			Номаа	Гўштсиз суюк		Ярим хайкал		
Шай, тапта-тахт		Товуқ ини			Дентиғ армияси		Халқ, улуғ	
			Ғазал мисраси			Икки кишилик қўшиқ		
Кек, хусумат		Ер (синоним)			Машхур, таниқли			

Тузувчи: Фахриддин Раҳимов

Толғида кўёчи акси

(Қатралар)

Ит ва мушукнинг азалдан бир-бири билан чиқишолмаслиги аниқ. Шўрликлар бу ҳам етмаганидек, иккиси ҳам бир хонадонни қўриқлайди. Уй эгасига вафодор бўлиш учун интилади. Аммо ҳасад ёмон нарса. Улар хонадонни бир-бирдан қизғаниб, гоҳ ириллашади, гоҳ миёвлашади. Нима ҳам дердик, гадонинг душмани гадо бўлади, деб шуни айтсалар керак-да...

Қўшиқ — инсон ҳаётининг мазмуни. Эзгуликни улуғловчи, ёвузликни қораловчи қўшиқлар киши қалбига ором бағишлайди, умидбахши туйғулар уйғотади.

Биз тинглаган биринчи хониш — оналаримиз алласи. Аллаларда мардлик, жасорат, ватанпарварлик туйғулари улуғланади. Она алласи энг улуғ ва мўътабар қўшиқдир. Алла тинглаб улғайганлар орасидан кўплаб буюқ инсонлар етишиб чиққан. Балки шу боис ҳам биз уни қўшиқларнинг улуғи деб атармиз...

Ашурали БОЙМУРОД

ЗУККО МУХЛИСГА САВОЛ:

Устунча ва донра (циферблат)дан иборат бўлган энг қадимги соат қандай номланган?

Жавобингизни 10 июн соат 16.00 га қадар 233-79-69, 233-95-97 рақамларига кўнғироқ қилиб беришингиз мумкин. Биринчи бўлиб тўғри жавоб йўллаган мухлис номи газетамизда эълон қилинади.

Ўтган сондаги саволнинг жавоби: **Тошболта ошиқ.**

Тўғри жавобни Наманган вилояти Учкўрғон туманидан Фарҳод Йўлдошев, Тошкент шаҳридан Наима Исабоева, Алишер Исмоилов, Дилафрўз Қаҳҳорова, Абдурасул Абдуғаниев, Қобилбек Каримбековлар йўллашди.

YONDAFTARCHANGIZGA

Сўз — либос. Маъно шу либос остига яширинган сир.

Жалолiddин Румий